



UNIVERSITÄTS-  
BIBLIOTHEK  
PADERBORN

**R. P. Adami Contzen E Societate Iesv, SS. Theol. Doct.  
Commentaria In Qvatvor Sancta Iesv Christi Evangelia**

**Contzen, Adam**

**Coloniæ Agrippinæ, M.DC.XXVI**

Quid pro credentibus petat?

---

[urn:nbn:de:hbz:466:1-83011](https://nbn-resolving.org/urn:nbn:de:hbz:466:1-83011)

tanto magisterio edoctus Ostorius & Socinus, eadem interpretatione etiam efficientiam omnem, quæ Christi sacrificio tribuitur posse eueri.

§. 3. Hinc Christum nobis sanctificationem dedisse videmus; atque inde colligimus: eum nobis esse iustitiam, ut est sanctificatio. Calvinus de sanctificatione recte, de iustitia non recte. [His verbis clarius explicat, ex quo fonte fluat illa sanctificatio, quæ per Evangelij doctrinam in nobis peragitur: Nempe quia seipse patri consecrauit: ut eius sanctitas ad nos perveniret. Sicut enim à primitiis benedictio diffunditur in totum prouentum ita nos Spiritus Dei Christi sanctitate aspergit, facitque eius participes, neque id imputatione solum (nam hac ratione dicitur nobis factus esse iustitia.) Sed dicitur etiam factus esse nobis sanctificatio, quia nos in sua persona patri quodammodo obtulit, ut Spiritu eius renouemur in veram sanctitatem.] Errat dum iustitiam sola imputatione definit, & ab ea sanctitatem diuersam facit: Christus nobis facta est iustitia, dum veram iustitiam infundit, sanctificatio dum nobis eandem iustitiam donauit, & Deo consecrauit. Hæc sanctificatio in morte Christi vim omnem exercuit, cum sese sanctificans immolaret summus Pontifex, & ut in Syro est: *ישעיהו הושיענו* sanctificans ego animam meam. Animam enim hoc est seipsum Deo obtulit, vitam, merita, omniaque quibus nos sanctificauit.

Christus nobis est iustitia ut est sanctificatio.

#### VERSVS 20. & seqq.

*Non pro eis autem rogo tantum, sed  
& pro eis qui credituri sunt per  
verbum eorum in me: &c.*

#### QVÆSTIO I.

*Quid pro credentibus petat?*

§. 1. **V**T omnes sint vnum, sicut tu pater in me, & ego in te. *Ut & ipsi in vnum sint.* Deinde ut credat mundus quod tu me misisti. De primo prolixè agit Achanasius oratione contra Arianos. Non identitatem, sed similitudinem significare. Nam qui dicit *καὶ ὁσὶ* non *καὶ ὅμοιοι* sed *ὁμοιοι*, & paradigma dicit. Non dicit autem ut vnum sint in se, vel ego & ipsi in te vnum, sed vocem quem admodum subinfert. Verum de vnitatem iam ante dictum est. S. Cyprianus Epistola 75. monet non posse esse inter eos vnitatem, qui à Deo sunt separati.

Aliter nos vnum, aliter pater & filius.

§. 2. Mundum nonnulli hoc loco pro electis, alij pro reprobris accipiunt. Malo accipere vniuersè pro

hominibus, quorum aliqui non credebant, postea credituri, alij ne postea quidem erant credituri, sed credebantur tamen fateri illa esse signa, eam vitam Apostolorum, ut prudenter negari non posset Christianæ fidei veritas. Ideoque & mundus, qui conuictus, non tamen manus dat Deo, condemnabitur. Mundus etiam credens sed fidem operibus negans, in eadem est damnatione.

#### VERSVS 24.

*Pater, quos dedisti mihi, volo, ut vbi  
sum ego, & illi sint mecum: ut videant  
claritatem meam quam dedisti mihi,  
quia dilexisti me ante constitutionem  
mundi &c.*

#### QVÆSTIO I.

*Quod præmium credentium?*

§. 1. **B**revi sententia, sed insigni proponit. *Ut sint vbi & ipse est*, nec modo præsentem, sed tanquam amici omnibus eius fruatur bonis. Atque hoc est, quod Philip. 3. dicit: *conuersatio nostra in cælis est*, Tales, inquit Cyprianus, libro de mortalitate, nos futurus & Christus Dominus pollicetur, quando ut cum illo simus, & cum illo in æternis sedibus viuamus, atque in regnis cælestibus gaudeamus patrem pro nobis precatur dicens: Pater quos dedisti mihi, &c. Venurus ad Christi sedem, ad regnorum cælestium claritatem, lugere non debet, & plangere, sed potius secundum pollicitationem Domini secundum fidem veritatem, in prosecutione hæc sua, & translatione gaudere.

§. 2. Verbum volo multi precantis, non absolute volentis quasi ex auctoritate existimat, atque ita accipi solent interdum verba cum magna fiducia orantium: Cerealis tamen contra Maximinum diuinam Christi auctoritatem exinde probari existimat. Magnopere obsetuandum est hoc loco præmiorum spe Christum discipulos ad virtutem excitare. Exinde clauis est, spe præmij cælestis recte agere licitum esse. Quod contra suos symmystas hunc in locum, pagina 345 etiam docet Rudolphus Gualteri. Nunc, inquit, de futuri sæculi præmij admonet, quæ in finem usque perseuerantibus præparata sunt, & eorum consideratione confirmati, aduersa omnia patienter ferant. Quia etiam Deum iustum redditurum præmia affirmat, & si non reddat fore iniustum.

Volo etiam precantibus est.

#### CAPVT XVIII.



**H**EC cum dixisset Iesus, egressus est cum discipulis suis trans torrentem Cedron, vbi erat hortus, in quem introiit ipse, & discipuli eius. 2. Sciebat autem & Iudas, qui tradebat eum, locum: quia frequenter Iesus conuenerat illuc cum discipulis suis. 3. Iudas ergo cum accepisset cohortem, & Pontificibus, & Phariseis ministros, venit illuc lateribus, & facibus, & armis. 4. Iesus itaque sciens omnia que ventura erant super eum processit, & dixit: Quem queritis? Responderunt ei, Iesum Nazarenum. Dicit eis Iesus. Ego sum. Stabat autem & Iudas, qui tradebat eum, cum ipsis. 6. Ut ergo dixit eis: Ego sum, abierunt retrorsum, & ceciderunt in terram. 7. Iterum ergo interrogauit eos: Quem queritis? illi autem dixerunt: Iesum Nazarenum. 8. Respondit Iesus: Dixi vobis, quia ego sum: si ergo me queritis, finite hos abire. 9. Ut impletur sermo, quem dixit: Quia quos dedisti mihi, non perdidit ex eis quemquam. 10. Simon ergo Petrus habens gladium eduxit eum: & percussit pontificis seruum: & abscidit auriculam eius dexteram. Erat autem nomen serui Malchus. 11. Dixit ergo Iesus Petro: Mitte gladium tuum in vaginam. Calicem, quem dedit mihi Pater, non bibam illum: 22. Cohors ergo, & tribunus, & ministri Iudeorum comprehenderunt Iesum, & ligauerunt eum: 13. Et adduxerunt eum ad Annam primum, erat autem socer Caipha, qui erat Pontifex anni illius. 14. Erat autem Caiphas, qui consilium dederat Iudais: Quia expedit vnum hominem morti

Non est in cælis